

†  
Sonur okkar,  
**Sigurgeir Geirsson,**  
Hamrahlíð 31,  
lézt í Landsspítalanum að-  
faranótt 31. janúar.

**Helga Sigurgeirsdóttir,**  
Geir Pálsson.

†  
**Jóhann Kristjánsson**  
frá Ólafsvík,  
andaðist á sjúkrahæð Hrafn-  
istu 29. janúar. Útförin er  
ákveðin frá Fossvogskirkju  
föstud. 3. febrúar kl. 3.

Blóm og kransar afþökkuð  
en þeim sem kunna að vilja  
minnast hans er bent á slysa-  
varnardeildina Sumargjöf í  
Ólafsvík.

**Vandamenn.**

†  
Konan mín og móðir mín,  
**Anna Lilja Lýðsdóttir,**  
sem andaðist í Landsspítalan-  
um 27. janúar, verður jarð-  
sungin frá Fossvogskirkju  
föstudaginn 3. febrúar kl.  
1.30 e. h.

Blóm vinsamlegast afþöfn.

**Sveinn Ólafsson,**  
Anna Vala Hinriksdóttir.

†  
Útför eiginmanns míns og  
sonar,  
**Óla Þórs Jónssonar,**  
fer fram frá Fossvogskirkju  
miðvikudaginn 1. febrúar kl.  
3 síðdegis.

Fyrir hönd vandamanna.

**Valgerður Jóhannsdóttir,**  
Jón Björnsson.

†  
Hjartker eiginmaður minn,  
faðir og bróðir,  
**Þorsteinn Jósefsson,**  
blaðamaður,  
lézt í Landsspítalanum hinn  
29. þ.m. Útförin fer fram frá  
Dómkirkjunni n.k. laugardag  
kl. 10.30.

Blóm og kransar eru af-  
þöfnir en þeim sem vildu  
minnast hins látna er bent á  
Krabbameinsfélag Íslands.

**Edith Jósefsson,**  
Ásta Þorsteinsdóttir,  
Ásta Jósefsson.

†  
Minnningarathöfn um móður  
og tengdamóður okkar,  
**Guðrúnu Andrésdóttur,**  
Hagamel 6,  
fer fram frá Fossvogskirkju  
fimmtudaginn 2. febrúar kl.  
9½ f. h. Jarðsett verður í  
Odda kl. 2 e. h. sama dag.

**Börn og tengdabörn.**

## Hallgrímur Gíslason K-höfn — Minning

Fæddur 11. nóv. 1881.  
Dáinn 25. jan. 1967.  
FRÁ 1876 til 1885 bjuggu í Vot-  
múla-Austurkoti hjónin Gísli  
Pálsson og Þórunn Hallgríms-  
dóttir. Þau eignuðust tvo sonu.  
Sigurð, sem dáinn er fyrir 20

†  
Móðir mín og tengdamóðir,  
**Dórothe Tómasdóttir,**  
sem andaðist að Landakoti  
25. þ. m. verður jarðsungin  
frá Fossvogskirkju þann 2.  
febrúar kl. 3 s.d.

Fyrir hönd vandamanna,  
**Ingimarg Hallgrímsdóttir,**  
Jóhanna Ólafsdóttir  
og fjölskylda.

†  
Minnningarathöfn um  
**Önnu Kristófersdóttur,**  
frá Mosum,  
fer fram frá Fossvogskirkju  
föstudaginn 3. febrúar kl. 10  
f. h. Jarðað verður á Prest-  
bakka á Síðu, laugardaginn  
4. febrúar kl. 11 f. h.

**Jón Bjarnason.**

†  
Sonur minn, faðir, tengda-  
faðir, afi og bróðir okkar,  
**Sigurður Sigurjónsson,**  
framreiðslumaður,  
verður jarðsungin frá Fossvogskirkju  
fimmtudaginn 2.  
febrúar kl. 10.30 árdegis.

Fyrir hönd annarra ástvina.

**Hólmfríður Halldórsdóttir,**  
Hallór Sigurðsson,  
Páll G. Sigurðsson,  
Daði Sigurðsson,  
Sigurður Sigurðsson.

†  
Þökkum samúð og vináttu  
við andlát og jarðarför móð-  
ur okkar og tengdamóður,  
**Jóhönnu Hallgrímsdóttur.**

**Bjarney Hinriksdóttir,**  
Guðrún Hinriksdóttir,  
Hálmundur Jónsson,  
Kristín Hinriksdóttir,  
Þórarinn Andrésdóttir.

†  
Innilegt þakklæti til allra er  
auðsýndu okkur samúð og  
vinarhug við andlát og útför  
móður okkar,

**Guðmundínu Sigríðar**  
**Sigurðardóttur.**

**Guðmundur J. Magnússon,**  
Kristján B. Magnússon,  
Magnús V. Magnússon,  
Sóley Magnúsdóttir,  
Rannveig Magnúsdóttir,  
Hansína S. Magnúsdóttir,  
Lilja Magnúsdóttir.

†  
Ég þakka öllum sem heim-  
sóttu mig á 75 ára afmælinu  
24. janúar síðastl. Ég þakka  
veglegar gjafir, blómakveðj-  
ur, heiláskeyti og allan vin-  
áttuvott og hlýhug sem í rík-  
um mæli hefur um mig leik-  
ið á þessum tímamótum.

Ég þakka tryggja vináttu á  
liðnum árum.

**Jóhann B. Loftsson**  
Eyrarbakka.

árum og Hallgrím, sem flentist í  
Kaupmannahöfn og dó þar 27.  
janúar sl.

Það voru ekki mýkindi, sem  
þessum unga sveini buðust hið  
ytra, er hann var í heiminn bor-  
inn. Frosthörkur og gaddur svo  
mikill, að súðir bæjanna hríndu  
niður að rúmfatnaði fólksins. En  
móðurhöndin var mjúk og hlý,  
verndaði hann gegn öllum ytri  
kulda, svo honum varð ekki  
mein af. En skammta stund naut  
ungi maðurinn móður sinnar  
mjúku handa. Þegar hann var á  
fimmta ári kom hin kalda hönd  
dauðans og kallaði móðurina  
burt. Við fráfall Þórunnar brá  
Gísli Pálsson búi Hann kom þá  
sonum sínum í föstur til vina  
sinna og frænda þeirra drengj-  
anna, að Kolsholti í Villingahólts  
hreppi. Fór Sigurður til hjón-  
anna Sigurðar Jónssonar og konu  
hans Guðrúnar Vigfúsdóttur.  
Hallgrímur fór til frænda síns  
og móðurbróður, Gísli Hallgríms-  
sonar og konu hans Helgu Þór-  
arinsdóttur. Hér ólust þeir upp  
bræðurnir, sem í foreldrahús-  
um. En snemma lá fyrir þeim  
bræðrum að vinna alla algenga  
sveitavinnu og stunda sjó. Fyrst  
sem beitingastrákar á Stokks-  
eyri. Síðar útróðramenn frá ýms  
um verstöðvum.

Hallgrímur kvæntist ungur  
Ingibjörgu Einarisdóttur frá  
Nesi í Villingahóltshreppi og  
fluttust þau þá strax til Reykja-  
víkur. Eignuðust þau eina dóttur  
barna. Eftir stutta sambúð missti  
Hallgrímur konu sína. Varð hann  
þá að koma dóttur sinni, Þór-  
unni, til fösturs að Tungu í Gau-  
verjabæjarhreppi. Meðan Hall-  
grímur var í Reykjavík stund-  
aði hann sjó á þilfarskipum og  
var lengi með Hjalta skipstjóra  
Jónssyni, sem gerði hann að  
stýrimanni ólarþan manninn.  
Vildi Hjalta að Hallgrímur færi  
í Stýrimannaskólann. Hallgrímur  
sagðist hafa verið svo ófisk-  
inn, að hann lagði ekki upp í að  
taka Sjómannaskólann.

Vorið 1906 vantaði háseta á  
„Vestu“, eitt af skipum Samein-  
aða Guðfuskipafélagsins. Réðist  
hann þangað háseti og fór í sigl-  
ingar. Var Hallgrímur nokkur ár  
á skipi þessu og öðrum skipum  
félagsins. Fór hann þá víða, til  
Rússlands, Belgíu, Frakklands  
og Englands, auk þess sem hann  
kom oft hingað heim til Íslands.

1909 missti hann heilsuna og  
varð að leggjast inn á Ríkisspítal-  
ann í Kaupmannahöfn. Þar var  
hann eitt ár þungt haldinn, en  
hressist brátt. Gerðist hann þá  
umsjónarmaður við deildina, sem  
hann hafði legið á og starfsmað-  
ur. 1912 var auglýstur starfi við  
Solbergs-kirkjugarð við Hróars-  
kelduveg í Kaupmannahöfn.  
Hallgrímur var einn umsækj-  
andi af 47 öðrum. Fyrir sína  
áætlu þjónustu á Ríkisspítalan-  
um hlaut hann starfann. Þann  
starfa stundaði hann í 35 ár, að  
hann hætti vegna aldurs. Hlaut  
eftirlaun er hann hætti og lifði

Svo var fátækt Hallgríms mik-  
il, er hann var kominn til Reykja-  
víkur, að ekki var viðlit, að hann  
gæti eignast orgel. En hann átti  
nokkra vini í Reykjavík, sem  
áttu hljóðfæri. Til þeirra leitaði  
hann þegar tími gafst og æfði  
þar af kappi. Svo komu sigl-

Hugheilar þakkir til allra  
þeirra sem gjóddu mig með  
gjöfum, blómum og heillaósk-  
um á 75 ára afmælisdaginn  
minn 13. janúar sl. Lifði heil.

**Bjarni Halldórsson**  
Akureyri.



af þeim til dauðadags.  
Hallgrímur kvæntist öðru  
sinni konu af dönskum ættum,  
Önnu, sem verið hafði starfandi  
á Ríkisspítalanum samtímis  
honum. Eignuðust þau 3 mann-  
vænleg börn, Ólaf, Guðlaugu og  
Agnetu. Bjó hann öll þessi ár í  
húsi skammt frá kirkjugarðin-  
um, er hann starfaði við. Þar  
missti hann Önnu konu sína.

Þegar síðari heimsstyrjöldin  
braust út, var Ólafur kallaður í  
herinn. Þar fékk hann lungna-  
bólgu, sem leiddi hann til dauða.  
Báðar eru dætur hans frá síðara  
hjúabandi giftar og búa í Dan-  
mörku. Einnig hefur Þórunn,  
dóttir hans frá fyrri hjúabandi  
verið búandi í Danmörku um  
nokkurt ára bil. Eftir að Hall-  
grímur missti konu sína, fékk  
hann litla snotra þvúið, og þar  
bjó hann og undi vel hag sínum  
við ástríki og umhyggju dætra  
sinna. Hallgrímur var góður  
heim að sækja og hafa allmargir  
landar notið gestrisni hans,  
enda vinmargur og tryggur  
vinur.

Snemma bar á góðum gáfum  
hjá Hallgrími og einstakri ein-  
beintni til að afla sér menntunar.  
Eftir fermingu tók hann að læra  
orgelspil, því þá var komið orgel-  
i í Villingahóltskirkju. Fyrstu  
tilsögn í orgelleik hlaut hann sjá  
Sigurði regluboða, sem þá ferð-  
aðist um allt land til að boða  
bindindi og stofna Goodtempl-  
arastúkur. Hvern sunnudags-  
morgun, sem messa bar að Vill-  
ingaholti æfði hann sálmana oft  
í svo miklum kulda, en krök-  
loppinn kom hann frá æfingun-  
um. Þrátt fyrir slæmar aðstæður  
tókst honum vel orgelleikurinn  
og forsöngvarastarfið.

Í þennan tíma var Jón Pálsson  
bókari við verzlun á Eyrarbakka  
og þegar orðinn kunnur orgel-  
leikari. Hallgrímur lagði leið  
sína til hans, að fá tilsögn.  
„Láttu mig sjá hvað þú kannst“,  
sagði Jón. Hallgrímur sýndi  
honum þá kunnáttu sína. Þá  
sagði Jón: „Nú þú kannst ekkert  
drengur minn“. Tók hann svo að  
kenna Hallgrími tókin á orgel-  
inu. Varð hann nú að læra allt  
frá byrjun. En bæði var að Hall-  
grímur var áhugasamur og með  
eindæmum námfús. Tók hann  
því bráðum framförum. Hélt  
hann áfram að vera orgelleikari  
og forsöngvari í Villingahólts-  
kirkju, eða þar til hann fluttist  
til Reykjavíkur.

Svo var fátækt Hallgríms mik-  
il, er hann var kominn til Reykja-  
víkur, að ekki var viðlit, að hann  
gæti eignast orgel. En hann átti  
nokkra vini í Reykjavík, sem  
áttu hljóðfæri. Til þeirra leitaði  
hann þegar tími gafst og æfði  
þar af kappi. Svo komu sigl-

Hugheilar þakkir til allra  
þeirra sem gjóddu mig með  
gjöfum, blómum og heillaósk-  
um á 75 ára afmælisdaginn  
minn 13. janúar sl. Lifði heil.

**Bjarni Halldórsson**  
Akureyri.

ingaárin. Gat hann þá ekki  
stundað orgelleik. Er hann var  
orðinn starfsmaður við kirkju-  
garðinn kynntist hann mörgum  
af færust hljómlistarmönnum  
Kaupmannahafnar. Tók hann þá  
stundum í hljóðfæri hjá þeim.  
Luku þeir allir upp einum  
munn, að þarna hefði gott efni  
farið forgörðum. Ekki eignaðist  
hann orgel strax, eða ekki fyr-  
en börn hans gáfu honum orgel-  
harmónium. Átti hann margar  
yndisstundir við það upp frá  
því. Og þegar hann var orðinn  
einn var það aðalskemmtun  
hans, að sitja við hljóðfærið og  
leika á það lög úr „Íslenzku  
söngvasafni“ og svo eignaðist  
hann með tímanum flestar þær  
sálmasöngbækur sem út komu  
heima hér. Urðu margir vina  
hans til að senda honum þessar  
bækur. Ekki veit ég til þess að  
hann hafi samið lög. En gömlu  
lög, bæði sönglög og sálma-  
lög sat hann við að raddsetja  
eftir sínum eigin smekk. Átti  
hann orðið allmikið safn skrif-  
aðra söng- og sálmalaga. Auk  
lög eftir vini sína. Þar á meðal  
hef ég heyrt um tvö lög eftir  
Jón Pálsson.

Þrátt fyrir stopular stundir til  
lærdóms, lærði hann skrift, læs-  
tur og reikning hjá ágætum  
kennara, Þórði Jasonarsyni.  
Enda ritaði Hallgrímur einstak-  
lega fagra hönd. Svo fagra að  
mest líktist koparstungu. Hann  
ritaði og gott mál og talaði alla  
tíð gott mál og fagurt, eða fag-  
urt Árnesmál, en Jón Pálsson  
hefur sagt, að engir hafi talað  
fagra mál en Árnesingar. Hann  
notaði hvert tækifæri sem gafst  
til að hitta fyrir vini sína í  
Kaupmannahöfn og tala við þá  
á elskaða málinu sínu, eins og  
hann komst að orði. Hann kom  
heim upp 1950, og gat enginn  
heyrt að þar væri á ferðinni  
maður, sem verið hafði utan  
lands í áratugi.

Vinur minn og frændi. Þetta  
eru fátækleg kveðjuorð frá mér  
og bræðrum mínum og öðrum  
skyldmönnum. Þær eiga, þó fá-  
tæklegar séu, að vera hinsta  
kveðja frá ökkur, og margfaldar  
þakkir fyrir allt og allt.

Orð mín eiga að vera samúð-  
ar og hluttekningarorð til dætra  
þinna og barnabarna og annarra  
ástandenda.

Hallgrímur var jarðsungin  
frá Sinder Kapel og jarðaður  
við hlið seinni konu sinnar,  
Önnu, í Solbergs-kirkjugarði.  
Þar sem hann hafði starfað í 35  
ár.

Vertu af ökkur kært kvaddur.  
Drottinn, gefðu dánunum ró, hin-  
um líkn sem lífa.

Gísli Sigurðsson  
Fögrukinn 18  
Hafnarfirði.

## Eiturgas í Jemen?

Najran, Saudi-Arabíu,

LÆKNAR í bænum Najran í  
Saudi-Arabíu skýrðu frá því í  
dag, að þeir hefðu fengið til með-  
ferðar yfir 100 manns vegna gas-  
eitrunar frá Jemen síðan 5. jan.  
sl., en þá eiga egyptskar flugvél-  
ar að hafa varpað sprengjum á  
þorpi Ketaf.

Najran liggur rétt við landa-  
mærin milli Jemen og Saudi-  
Arabíu. Læknarnir, sem eru  
fjórir, einn frá Saudi-Arabíu en  
þrjár frá Pakistan, sögðu frá því,  
að sjúklingarnir hefðu þjáðst  
m. a. af öndunarörðugleikum,  
hósta, svima, höfuðverk, lágum  
blóðþrýstingi og haft miklar  
kvalir fyrir brjósti og í maga.

Fullryðingar um, að Egyptar  
hefðu varpað eiturgassprengjum  
yfir Ketaf, voru bornar fram  
fyrir í þessum mánuði af Mo-  
hammed Abdel-Kuddou al Waz-  
ir, utanríkisráðherra konungs-  
sinna í Jemen. Bæði hinir síðast-  
nefndu og stjórnarvöld í Saudi-  
Arabíu hafa farið þess á leit síð-  
an, að Rauði krossinn léti fara  
fram rannsókn á þessum atburði.